

舊小說

丁集目錄（宋）

退士傳 神放

第十冊 丁集一

六一居士傳 歐陽修

桑樸傳 歐陽修

書張主客遺事 晁詠之

書種放事 王回

書襄城公主事 王回

書賈偉節廟傳 堯俞

洪偃傳 曾鞏

敘盜 曾鞏

雜識二首 曾鞏

東坡酒經 蘇軾

方山子傳 蘇軾

子姑神記 蘇軾

天篆記 蘇軾

一
二
三
四
五
六
六
七
八
九
〇
一
二
三
三
四

孫少述傳 林希 一五

趙延嗣傳 石介 一六

錢乙傳 劉鼓 一七

玉友傳 劉鼓 二〇

綠珠傳 樂史 二一

楊太真外傳 樂史 二四

李師師外傳 闕名 三六

海陵三仙傳 闕名 四〇

姚平仲小傳 陸游 四八

陳氏老傳 陸游 四八

書包明事 陸游 四九

書二公事 陸游 四九

林靈素傳 趙與時 五〇

記外大父祝公遺事 朱嘉 五二

書虞雍公守唐鄧事 任鑒 五三

曹氏女傳 章望之 五五

一是居士傳鄭思肖	五六
登西臺慟哭記謝翱	五七
北夢瑣言四十八則孫光憲	五八
纂異記四則李孜	八〇
芝田錄六則丁用晦	八五
甄異記二則戴昉	八八
野人閒話八則景煥	八八
洛陽搢紳舊聞記八則張齊賢	九二
茅亭客話十八則黃休復	一〇六
疑仙傳八則隱夫玉簡	一一七
難肋編十八則莊綽裕	一二二
樂善錄十六則李昌齡	一三一
過庭錄十則范公稱	一三八
泊宅編十則方勺	一
開窗括異志三則魯應龍	五
東軒筆錄三十七則魏泰	七

舊小說 十 丁集目錄

四

青箱雜記六則	吳處厚	二二
蒙齋筆談四則	鄭景望	二五
畫墁錄六則	張舜民	二七
游宦紀聞六則	張世南	三〇
夢溪筆談四十六則	沈括	三四
墨莊漫錄十八則	張邦基	三五
侍兒小名錄一則	張邦基	三八
默記七則	王銍	六九
補侍兒小名錄五則	王銍	七四
續補侍兒小名錄三則	溫璠	七六
嬾真子六則	馬永端	七七
歸田錄十一則	歐陽修	八〇
志林五則	蘇軾	八四
龍川別志十則	蘇轍	八六
澠水燕談錄十五則	王闢之	九一
冷齋夜話七則	釋惠洪	九七

續世說二十九則	孔平仲	九九
孔氏談苑三則	孔平仲	一一一
鐵園山叢談十一則	蔡條	一一二
老學菴筆記十八則	陸游	一一八
雲麓漫鈔一則	趙彥衛	一二五
石林燕語十四則	葉夢得	一二六
避暑錄話十六則	葉夢得	一三一
清波雜志十二則	周輝	一三八
墨客揮犀五則	彭乘	一四三
續墨客揮犀二則	彭乘	一四五
吳開總錄二十六則	闕名	一四六
鶴林玉露九則	羅大經	一六一
儒林公議一則	闕名	一六七
隨隱漫錄一則	陳世榮	一六七
楓窗小牘三則	袁某	一六八
厚德錄八則	李元綱	一六九

孫公談園	五則	孫升		一七四
齊東野語	三十三則	周密		一
癸辛雜識前集	五則	周密		二一
癸辛雜識後集	六則	周密		二四
癸辛雜識續集	十一則	周密		二七
癸辛雜識別集	二則	周密		三三
志雅堂雜鈔	一則	周密		三五
南部新書	三則	錢易		三五
宣政雜錄	一則	闕名		三七
朝野遺紀	七則	闕名		三七
閒見雜錄	三則	闕名		四〇
諧史	七則	沈敏		四一
昨夢錄	六則	康譽之		四五
三朝野史	一則	闕名		五〇
談藪	十三則	羅元英		五一
清尊錄	七則	廉布		五七

曉車志四則	郭象	六二
藏一話腴一則	陳郁	六四
文昌雜錄二則	闕名	六四
錢氏私志七則	錢世昭	六四
高齋漫錄二則	曾慥	六五
寓簡五則	沈作節	六九
獨醒雜志十二則	曾敏行	七一
梁溪漫志七則	費昶	七七
四朝聞見錄十二則	葉紹翁	八三
聞見近錄一則	王鑑	九二
甲申雜記三則	王蒙	九三
隨手雜錄三則	王蒙	九四
玉壺清話十九則	釋文鑒	九六
萬柳溪邊舊話一則	尤玘	一〇六
江南餘載一則	闕名	一〇七
江淮異人錄八則	吳淑	一〇八

鬼董十四則	闕名	一六
嶺外代答七則	周去非	一二九
耆舊續聞七則	陳鵠	一三三
蘆浦筆記二則	劉昌詩	一四一
侯鯖錄三則	趙德麟	一四二
曲洧舊聞十七則	朱弁	一
第十三冊 丁集四		
中吳紀聞三則	龔明之	一八
北窗炙輠十一則	施彥執	一一
佩韋齋輯聞一則	俞德鄰	一六
岳陽風土記二則	范致明	一七
六朝事迹二則	張敦頤	一八
松漠紀聞五則	洪皓	一九
五總志一則	吳炯	二一
夷堅志一百八十六則	洪邁	二一
容齋五筆四則	洪邁	一五五
友會談叢十一則	上官融	一五七

可書一則	張知庸	一六五
碧湖雜記二則	謝枋得	一六五

舊小說

丁集三 宋

齊東野語

真文忠公

周密

真文忠公建寧府浦城縣人。起自白屋。先是有道人於山間結庵煉丹。將成。忽一日入定。語童子曰。我去後。或十日五日。卽還。謹勿輕動我屋子。後數日。忽有扣門者。童子語以師出未還。其人曰。我知汝師死久矣。今已爲冥司所錄。不可歸。留之無益。徒臭腐耳。童子村愚。不悟爲魔。遂舉而焚之。道者旋歸。已無及。繞庵呼號云。我在何處。如此月餘。不絕聲。鄉落爲之不安。適有老僧聞其說。厲聲答之曰。你說尋我。你却是誰。於是其聲乃絕。時其母方娠。忽見道者入室。遂產西山。幼穎悟絕人。家貧無從得書。往往假之他人。及黜學里儒。爲舉子業。未幾登第。初任爲延平郡掾。時倪文節喜獎借後進。且知其才。意欲以詞科衣鉢傳之。每假以私淑之文。輒一二日卽歸。若手未觸者。文節殊不平。曰。老夫固不學。然賢者亦何所見。遽不觀耶。西山悚然對曰。先生善誘後學。何敢自棄。其書皆嘗竊觀。特不敢久留耳。文節謦扣一二。皆能成誦。文節始大驚喜。於是與之延譽於朝。而繼中詞科。遂爲世儒宗焉。

林復

林復字端陽。括蒼人。學問材具皆有過人者。特險隘忍酷。略不容物。紹熙中。爲臨安推官。有告暨文思院

常良孫賊墨事朝廷下之臨安獄久不得其情上意謂京尹左右之尹不自安復乃挺身白尹乞任其事訖就煨煉成罪常流海外因寓客船以往中途遇盜無以應其求盜取常手足釘著兩船舷船開分其屍爲二焉林竟以勞改官不數年爲郎出知惠州時常有烟家當得郡憤其冤欲報之遂力請繼其後林弗知也既至惠適有訴林在郡日以斂殺人具有其實以聞徐安國亦按其家有僭擬等物於是有旨令大理丞陳樸追逮隨所至置獄鞫問及至潮陽遇諸道間搜其行李得朱椅黃帷等物蓋林好祠醮所用者乃就鞫於僧寺中林知必不免願一見家人訣別既入室亟探囊中藥投酒中飲之有頃流血滿地家人號泣使者入視則仰藥死矣因以其死復命然其所服乃草烏末及他一草藥耳至三日乃甦卽亡命入廣其家以空柩歸葬始就逮時僮僕鳥獸散行囊旁午道中大姓潘氏者爲收斂歸之了無所失其家與之音問相聞者累年至嘉定末始絕竟佚其罰云此陳造周士所紀得之括醫吳嗣英甚詳夷堅所志亦爲所罔以爲真死殊可笑也

溧陽市民

建康溧陽市民同日殺人皆繫獄具以囚上府亦同日就道二囚時相與言監者不虞也夕宿邸舍甲謂乙曰吾二人事已至此死固其分顧事適同日計亦有可爲者我有老母貧不能自活君到府第稱冤悉以誘我我當兼任之等死耳幸而脫君家素溫爲我養母終其身則吾死爲不徒死矣乙欣然許之時張定叟以尙書知府事號稱嚴明囚既至皆呼使前問之及乙則曰某實不殺人殺某人者亦甲也張駭異使覓其說曰甲已殺某人卽逸去其家不知爲甲所殺也平日與某有隙遂以聞於官已而甲又殺某人

乃就捕。某非不自明。官聞而吏賂。故冤不得直也。張以問甲。甲對如乙言。立破機縱之。一縣大驚。甲既論死。官吏皆坐失入抵罪。而張終不悟。甚哉獄之難明也。

陸務觀

陸務觀初娶唐氏。閨之口女也。於其母夫人爲姑姪。伉儷相得。而弗獲於其姑。既出而未忍絕之。則爲之別館。時時往焉。其姑知而掩之。雖先知挈去。然事不得隱。竟絕之。亦人倫之大變也。唐後改適同郡宗子士程。嘗以春日出游。相遇於禹跡寺南之沈氏園。唐以語趙。遣致酒餽。翁悵然久之。爲賦釵頭鳳一詞。題園壁間云。紅酥手。黃藤酒。滿城春色宮牆柳。東風惡。歡情薄。一懷愁緒。幾年離索。錯錯錯。春如舊。人空瘦。淚痕紅。浥鮫綃。透。桃花落。閒池閣。山盟雖在。錦書難託。莫莫莫。實紹興乙亥歲也。翁居鑑湖之三山。晚歲每入城。必登寺眺望。不能勝情。嘗賦二絕云。夢斷香銷四十年。沈園花老不飛綿。此身行作稽山土。猶弔遺蹤一悵然。又云。城上斜陽畫角哀。沈園無復舊池臺。傷心橋下春波綠。曾是驚鴻照影來。蓋慶元己未歲也。未久唐氏死。至紹熙壬子歲。復有詩序云。禹跡寺南有沈氏小園。四十年前嘗題小閣壁間。偶復一到。而園已三易主。讀之悵然。詩云。楊葉初丹柳葉黃。河陽愁鬢怯新霜。林亭舊感空回首。泉路憑誰說斷腸。壤壁醉題塵漠漠。斷雲幽夢事茫茫。年來妄念消除盡。回向蒲龕一炷香。又至開禧乙丑歲暮。夜夢遊沈氏園。又作兩絕句云。路近城南已怕行。沈家園裏更傷情。香穿客袖梅花在。綠蘼寺橋春水生。城南小陌又逢春。只見梅花不見人。玉骨從塵泉下土。黑痕猶鎖壁間塵。沈園後屬許氏。又爲汪之道宅云。

楊和王

楊和王居殿巖日建第清湖洪福橋規制甚廣自居其中傍列子舍四皆極宏麗落成之日從外人遊觀一僧善相宅云此龜形也得水則吉失水則凶時和王方被眷從容聞奏欲引湖水以環其居思陵首肯曰朕無不可第恐外庭有語宜密速爲之退卽督濠寨兵數百且多募民夫夜以繼晷入自五房院出自惠利井蜿蜒縈繞凡數百丈三晝夜卽竣事未幾臺臣果有疏言擅灌湖水入私第以擬宮禁者上曉之曰朕南渡之初虜人退而羣盜起遂用議者羈縻之策刻印盡封之所有者止淮浙數郡耳會諸將盡平羣盜朕因自誓除土地外凡府庫金帛悉置不問故諸將有餘力以給泉池園囿之費若以平盜之功言之雖盡以西湖賜之曾不爲過況此役已成惟卿容之言者遂止繼而後建傑閣藏思陵御劄且揭上賜風雲慶會四大字於上蓋取大龜昂首下視西湖之象以成僧說自此百餘年間無復火災人皆神之至辛巳歲其家捨閣爲佑聖觀識者爲龜失其首疑爲不祥次年五月竟燬延煒燁燁數百楹不數刻而盡益驗毀閣之禍云

王邁潘妨

庚子辛丑歲先君子佐閩漕幕時方壺山大琮爲漕曜軒王邁實之與方爲年家氣誼相好用此實之留富沙之日多而壺山資給亦良厚然亦僅資一時飲博之費耳籍中有吳宜者王所狎也一日三司燕集大合樂於公廳吳方舞遍實之被酒直造舞筵攜之徑去旁若無人一座爲之愕然壺山起謝曰此吾狂友王實之也時以爲奇事實之莆人登甲科甚有文名落魄不羈爲正字日因輪對及故相擅權理宗宜論曰姑置衛王之事邁卽抗聲曰陛下一則曰衛王二則曰衛王何容保之至耶上怒不答徑轉御屏曰

此狂生也。邇後歸里，自稱勅賜狂生。嘗有詩云：未知死所先期死，自笑狂生老更狂。又賦沁園春曰：狂如此更狂，狂不已，押赴瓊崖。同時富沙人紫巖潘枋庭堅，亦以豪俠聞，與實之不相下。庭堅初名公筠，後以詔歲乞靈南臺神，夢有持方牛首與之，遂易名爲枋。殿試第三人，跌宕不羈，傲侮一世，爲福建帥司機宜文字。日醉騎黃犢，歌離騷於市，人以爲仙。嘗約同社友劇飲於南雪亭梅花下，衣皆白，旣而盡去，寬衣脫帽，呼嘯酒酣，客散，則衣間各濃墨大書一詩於上矣。衆皆不能堪，居無何，同社復置酒瀑泉，酒行，令曰：有能以瀑泉灌頂而吟不絕口者，衆拜之。庭堅被酒豪甚，竟脫巾，盤髻裸立，流泉之衝，且高唱濯纓之章。衆因謬爲驚歎，羅拜以爲不可及。且舉詩禪問答以困之。潘氣略不愜，應對如流，然寒氣已深入，經絡間矣。歸卽臥病而歿，旣不得年，又以戲笑作孽，不自貴重，聞者惜之。庭堅才高氣勁，讀書五行俱下，終身不忘作文，未嘗起草，尤長於古樂府，年六七歲時，嘗和人詩云：竹纔生便直，梅到死猶香。識者已知其不永。其論巴陵一疏，至今人能誦之。以此終身坎壈焉。劉潛志其墓云：公論如元氣，今入人之肝脾，有一時之榮辱，今有千載之是非，昔在有周，今觀孟津之師，於扣馬之諫，今曰扶而去之，彼八百國之同，今不能止一士之異，嗚呼！此所謂世教兮，所謂民彝，正謂此也。余少侍先君子，皆嘗識之，轉眼今五十年矣。

方翥

莆田方翥，試南宮第三場，欲出納卷，有物礙其足，視之則一卷子，止有前二篇，其文亦通暢，不解何以不終卷而棄於地也。翥筆端俊甚，以其緒餘足成之，併攜出中門，投之幕中，一時不暇記其姓名。翥既中第，亦不復省問。他年，翥爲館職，偶及試闈異事，問及之，偶有客在坐，同年也，默不一語。翼日，具冠裳造方，自

絅本末言試日疾不能支吾扶曳而去所謂試卷者莫記所在已絕望矣一旦榜出乃在選中恍然疑姓名之偶同幸未嘗與人言亟入京物色之良是借真卷觀之儼然有續成者竟莫測所以今日乃知出君之筆君吾恩人也方笑謝而已按馮京知舉張芸叟賦公生明重疊用韻已而爲第四名窮怪主司鹵莽及元祐中使虜過北門馮爲留守始脩門生敬酒邊馮因言昔忝知舉祕監賦重疊用韻以論策佳輒爲改之擢真高等頗記憶否芸叟方飲不覺酒盃覆懷再三愧謝與此略同

楊和王

楊和王最所鍾愛者第六女性極賢淑初事趙汝勑繼事向子豐居於醫未有所育王甚念之一日向妾得男楊氏使祕之以爲己出且亟報王王喜甚即請告命輕舟往視之向氏家知王來良窮無策以尼其行時王以保寧昭慶兩鎮節鉞領殿巖於湖爲本鎮子豐使人諷郡官往迓之自郡將以次皆屬囊韃謹同於界首王初以人不知其來及是聞官吏郊迎深恐勞動多事遂中道而返因厚以金緡花果以遺其女且撥吳門良田千畝以爲粥米故向氏家有崑山粥米莊云此事得之向氏子孫

杭學

杭學自昔多四方之人淳祐辛亥鄭丞相清之當國朝議以游士多無檢束羣居率以私喜怒軒輊人甚者以植黨撓官府之政扣關攬黜陟之權或受以醢醢朝紳或設局騙脅民庶風俗寢壞遂行下各州自試於學仍照舊比分數以待類申將以是歲七月引試爲始會教官林經德對士子上請語微失於是大聞肆罵時趙京尹與衆教官調停一時但欲求靜遂許以三百名內一半取土人一半取游士於是乃息

越數日，宰執奏事，上面諭曰：「近行諸州各試之法，正欲散游學之士，不知臨安府憑何指揮，復放外方之人。趙尹聞之，恐甚，乃移牒俾游士限日出境，其計始窮，乃爲檄文相率而去。天之將喪斯文，實係興衰之運，士亦何負於國？遽羅斥逐之辜，靜言思之，良可醜也。慨祖宗之立法，廣學校以儲材，非惟衍豐芑以貽後人，蓋亦隆漢都而尊上國，肆惟皇上克廣前猷，炳炳宸奎，釐爲四學，斐斐束帛，例及諸生，蒙教育之如天，恨補報之無地，但思粉骨何畏觸喉，直言安石之姦，共惜元城之去，實爲公議，不利小人，始陰諷其三絨，終盡打於一網，不任其咎，移過於君，是誠何心？空人之國，鄭僑猶謂毀校不可，而李斯尙知逐客爲非，今彼不顧行之，使我何顏居此？厄哉吾道，告爾同盟，無見義以不爲，宜行己而有恥，苟爲溫飽，可勝周粟之差，相與提攜，莫蹈秦坑之禍。」斯言既出，明日遂行。八月朔，乃相率而出，復作文告先聖曰：「斯文將喪，嗚呼！天乎！吏議逐客，嗚呼！人乎！乘桴浮海，嗚呼！聖乎！邇世無悶，嗚呼！士乎！敢告。」又作絕句詩云：「塞翁何必恨失馬，城火可憐殃及魚。」一笑出門，天萬里，擔頭猶有斥姦書。又五言：「鄭五不去國，金陵深誤君。」校存知必毀，書在已如焚。自是清流禍，非干比黨分。歸與雖幸矣，恨未効朱雲。又詩：「上書如毀盧仝茶，直論國體寧無譴。依然茅草縱橫斜，鍾山老柏休槎牙。嗚呼！時事如絲麻，食肉者口徒啞哇。鬼域空含射影沙，逐客令下堪吁嗟。」識者將謂秦事邪？淳祐浸不如端嘉，邪人剛指正人邪？時有引喙鳴靈鴉，天降奇禍遺羅置。尼山草木枯無華，奄奄山鬼相揄擲。我今東書歸天涯，不惜一去惜國家。於是京尹待罪，兩教官各降一資，而陳顯伯、鄭雄飛方以公道自任，且欲收譽士林，乃相繼上疏，欲復其舊，而賈似道居淮闕，至以游士欲渡淮，以脇上必從而理宗以周粟秦坑等語，怒未解，深不然之。至開慶己未，吳丞相潛再登揆席，首欲

收士心。復舊法。會去不果。戴慶炯以參樞軸。畢竟作指揮。許京庠有籍無分人。引試一次。於是漸復雲集矣。

黃婆

邕宜以西。南丹諸蠻。皆居窮崖絕谷間。有獸名曰黃婆。黃髮椎髻。跣足裸形。儼然一媼也。上下山谷如飛。猿自腰已下。有皮疊垂蓋膝。若犢鼻。力敵數壯夫。喜盜人子女。然性多疑。畏罵已盜。必復至失子家窺俟之。其家知爲所竊。則集鄰里大罵不絕口。往往不勝罵者之衆。則挾以還之。其羣皆雌。無匹偶。每遇男子。必負去求合。嘗爲健夫設計。擠之大壑中。展轉哮吼。脛絕不可起。往往入集衆刺殺之。至死以手護腰間。不置。剖之得印方寸。瑩若蒼玉。字類符篆。不可識。非鑄非鏤。蓋自然之文。然亦竟莫知其所實爲何也。周子功。景定間使大理。取道於此。親見其所謂印者。此事前所未聞。是知窮荒絕徼。天奇地怪。亦何所不有。未可以見聞所未及。遂以爲誕也。後漢郡國志。引博物記曰。日南出野女。羣行不見夫。其狀晶且白。裸袒無衣。襦得非此乎。博物記當是秦漢間古書。張華字茂先。蓋取其名而爲志也。

安定郡王

安定郡王子濤。字仲山。在京師時。其兄子冲。喜延道流方士。有許公言者。能以藥爲黃金。其人皎然玉樹。有小鑪。高不盈尺。以少藥物就掌中調之。納火中。須臾。精金也。謂仲山曰。如何。仲山曰。畢竟只是假。許愕然。拊其背曰。善自愛。越數日。告子冲別。挽留不回。將出門。邀仲山耳語。首言君兄且死矣。君手有直紋。未可量。但早年亦艱困。宜順受之。壽可至六十九人。壽脩短。視其操行。上帝所甚惡者。貪。所甚靳者。壽。人能